

BIBLIOTEKA

Zakl. Nar. Im. Ossolińskich

XVI

3415

1839

Uchaniski Jak

30 c

DE IVBILEO.

LITERÆ PRO  
MVLGATIONIS IVBILEI

REVERENDISSIMI GNESNENSIS

ARCHIEPISCOPI: QVAE CON-

tinent vim & rationem Indul-  
gentiarum.

ITEM LITERAE DE EO-  
DEM SVMMI PONTIFICIS.

ITEM BVLLA COENAE DOMINI,

Ecclesiasticis omnibus planè  
necessaria,



OMNIA IVSSV ET AVTHORITATE RE-

uerendissimi Domini Jacobi Vchanski

Gnesnensis Archiepiscopi colle-

cta & edita.

VILNAE, EX OFFICINA ILLVSTR. DO-

mini D. Nicolai Christophori Radziuil, Ducis

Olicen. & Nesuis. &c. per Danielē Lancicum,

Anno Domini. 1576.

170080





XU. 84. 3415

# IACOBVS VCHAN

SKI DEI ET APOSTOLI

CAE SEDIS GRATIA ARCHIEPISCOPVS

Gnesnensis, Legatus Natus, & Regni Poloniae Primas

ac primus Princeps, vniuersis Christi fidelibus ipsum

Poloniae Regnum, eiq; adiuncta Dominia

incolentibus: Salutem in Domino

sempiternam.



DOMINVS AC REDEMPTOR

noster Iesus Christus, ad condonandum qui  
de peccata, solam a nobis exigere potuisset  
intimam animi poenitentiam, qua ad ipsum  
nos ex animo conuertimur, & commissa a  
nobis scelera detestamur, & odio habemus,

simulq; certo statuimus, & malam vitae consuetudinem cor-  
ruptosq; mores emendare, non sine spe veniae ab eius miseri-  
cordia consequendae: quia tamen nobis de remissione pec-  
catorum dubitare liceret (vehementer enim pendere ani-  
mo de intima poenitentia opus esset, cum de suo cuiq; iudicio  
in ijs, quae agit, merito timendum sit) vt huic nostrae sollicitu-  
dini subueniret, poenitentiae quoque Sacramentum instituit,  
quod per externam sacerdotis absolutionem, peccata nobis  
esse remissa consideremus, conscientiaq; nostrae ob fidem,  
quae Sacramentorum virtuti merito habenda est, pacatiores  
redderentur: Quorum (inquit) remisistis peccata, remit-  
tuntur eis, & quorum retinueritis, retenta sunt. Ex remis-  
sis autem culpis, poenae temporales occulto Dei iudicio, vel  
in hoc saeculo, vel in futuro luendae, saepius remanere solent.

Ioan: 20.

A ij

Quod



Gen. 3.  
Nume. 20.  
Exod. 32.  
Reg. 2. ca. 12.

Quod licet animaduertere in primis parentibus propter, di-  
uini præcepti transgressionem, in Moyse, ob incredulitatem,  
in populo Iudaico, propter vituli adorationem, in Dauide,  
ob adulterij ac homicidij, facinus. Vt verò temporalibus hu-  
iusmodi poenis satisfaciamus, adiumentum nobis affertur ab  
immenso illo meritorum passionis Christi thesauro, cui etiã  
passiones accedunt, quas idem Dominus in sanctis omnibus,  
mystici corporis sui membris, ab ipso mundi initio in finem  
vsq; quodammodo perferre non desinit. Quo nomine cum  
Paulo, quod ecclesiam affligeret, conquerebatur, quod se  
persequeretur: Saule (inquiens) Saule, quid me persequeris?  
quin & Paulus ipse, ex persecutore Apostolus iam effec-  
tus, asserere non dubitauit, se adimplere ea, quæ defunctis pas-  
sionum Christi in carne sua pro corpore eius, quod est Eccle-  
sia. Quapropter idem misericors Dominus, volens nostræ  
plenius succurrere imbecillitati, Beato Petro Apostolorum  
Principi, eiusq; deinceps successoribus Romanis Pontifici-  
bus, potestatem dimittendi peccata plenissimam reliquit,  
atq; eodem immenso thesauro idcirco ditauit Ecclesiam spõ-  
sam suam, eumq; ipsis beato Petro & successoribus dispen-  
sandum commisit: vt eo ceteri fideles pro temporalibus il-  
lis poenis, ex remissa culpa (vt dictum est) crebro remanen-  
tibus, ad satisfaciendum adiuti, ad percipiendos cœlestis gra-  
tiæ fructus expeditiores redderentur.

Matth. 16.

Hanc verò potestatis plenitudinem Christus ante passio-  
nem suam Petro fuerat pollicitus, cum dixit: Tu es Petrus,  
& super hanc petram ædificabo Ecclesiam meam, & portæ  
inferi non praualebunt aduersus eam; & tibi dabo clau-  
es regni cœlorum, & quodcunq; ligaueris super terram, erit  
ligatum & in cœlis; & quodcunq; solueris super terram,  
erit solutum & in cœlis. Vocem autem petram, beatus mar-  
tyr Cyprianus Petrum ipsum intelligit. In Epistola enim III.

Cyprianus

libro

libro primo: Petrus (inquit) super quem ædificata ab eodem Domino erat Ecclesia. Et in sermone de bono patientiæ: Petrus (ait) super quem Ecclesia, Domini dignatione, fundata est. Soli item Petro totius Ecclesiæ principatum Dominus designauit, quum tributum vel censum pro se & Petro, tantum persolui mandauit. Staterem enim dari iussit, qui quatuor drachmas valebat: vnde media eius pars didrachma ē, quod tantum Patres familias viritum pensabant. Quare discipuli statim post inuentum staterem, & tributa reddita, Dominum interrogarunt: Quis (putas) maior est in regno cælorum? Viderant enim (vt ait Hieronymus) pro Petro & Domino tributum redditum, atq; ex æqualitate precij arbitrati sunt Petrum omnibus Apostolis esse prælatum, qui in redditione tributi, Domino fuerat comparatus. Christus præterea Apostolis contendentibus, quis eorum videretur esse maior, dixit Petro: Simon, ecce Sathanas expetiuit vos, vt tribuaret sicut triticum. Ego autem rogaui pro te, vt non deficiat fides tua: & tu aliquando cōuersus, confirma fratres tuos. Quem locum explicans Theophilactus: Planus (inquit) huius intellectus is est, quia te habeo vt Principem discipulorum, postquam me negato fleueris, & ad pœnitentiam veneris, confirma ceteros: hoc enim te deceat, qui post me petra es, & fundamentum Ecclesiæ.

Communis quidem potestas, quam omnibus Apostolis Dominus promiserat (quæcunq; ait, alligaueritis super terram, erunt ligata & in cælo; & quæcunq; solueritis super terram, erunt soluta & in cælo) ipsis æquæ collata est, quum dictum est: Accipite Spiritum sanctum, quorū remiseritis peccata, remittuntur eis; & quorum retinueritis, retenta sunt. At Petro quicquid Dominus modo quodam peculiari pollicitus antea fuerat, post resurrectionem suam reuera præfuit, plenissimè super omnibus auctoritatem concludens ijs ver-

Matth. 17.

Matth. 18.  
Hieronymus  
lib. 3. cōm.  
in math. ca.  
18.

Luc. 22.

Theophilactus  
in cōm.  
in Luc. cap.  
22.

Matth. 18.

Iohan. 20.



Ioan. 21. his: Simoñ Iohāñnis diligis me, plus quā hī? Ait ei: Etiam Domine, tu scis, quia amo te. Dicit ei: Pasce agnos meos, Pasce oues meas. Petro ( inquit Cyprianus ) oues suas Dominus pascendas tutendasq; commendat, super quem fundauit & posuit Ecclesiam suam. Alibi quoq; Et eidem post resurrectionem suam dicit, Pasce oues meas: super illum vnū ædificat ecclesiam suam, & illi pascendas mandat oues suas. Hactenus Cyprianus. Cū itaq; reliqui Apostoli ad ouile Domini pertinerent, vt cætera oues, à Petro vtiq; erant pascendi.

Cypria. de  
habitu Virg:  
De Eccle. v  
nitate:

Ad Eph. 4.

Iam verò ex ijs constat, eam Ecclesiæ gubernandæ rationem à Christo fuisse institutam, quam homines sapientissimi optimam semper existimarunt: Monarchiam scilicet, in qua vnus optimatum, consilio omnibus præest. Atq; huiusmodi Hierarchica Ecclesiæ potestas, quum ad finem vsque sæculi duratura sit, vt ab initio Principem Petrum à Christo obtinuit, ita eius deinceps successores habeat, necesse est: quos esse Romanos Pontifices ostendit tū vetus ipsius ecclesiæ consuetudo, tū vnanimis Sanctorum omnium patrum consensus. è quorum numero, ne in longū protrahatur oratio, paucos eosdemq; vetustissimos atq; probatissimos sat erit in medium adducere: inter quos Iræneus, proximus Apostolorum temporibus, aduersus hæreses ita differit. Quoniam valdè longum est, in hoc tali volumine omnium Ecclesiarum enumerare successiones, maximæ & antiquissimæ & omnibus cognitæ, à gloriosissimis duobus Apostolis Petro & Paulo Romæ fundatæ & constitutæ ecclesiæ, eam, quam habet ab Apostolis traditionem & annūciatā hominibus fidem, per successiones Episcoporum peruenientium vsq; ad nos, iudicantes confundimus omnes eos, qui quoquo modo vel per sui placentiam malam, vel vanam gloriam, vel per cæcitatem & malam sententiā, præterquam oportet, colligunt. Ad hanc

Iræne. lib: 3  
cap. 3:



hanc enim Ecclesiam propter potentiorē principalitatem,  
 necesse est omnem conuenire Ecclesiam: hoc est eos, qui  
 sunt vndiq; fideles. in qua semper ab ijs, qui sunt vndique,  
 conseruata est, ea, quæ est ab Apostolis, traditio. Fundantes  
 igitur, & instruētes Beati Apostoli Ecclesiam, Lino Episco-  
 patum administrandæ Ecclesiæ tradiderunt. Et paulò post:  
 Succedit autem ei Anacletus: post eum tertio loco ab Apo- Eodem ca. 3  
 stolis Episcopatum sortitur Clemens. qui & vidit ipsos Apo-  
 stolos, & contulit cum eis, cùm adhuc insonantem prædica-  
 tionem Apostolorum & traditionem ante oculos haberet.  
 Et paulò inferius: Huic autem Clementi succedit Euaristus, Eod. cap. 3  
 & Euaristo Alexander, & deinceps Sextus ab Apostolis con-  
 stitutus est Sixtus: & ab hoc Thelesphorus, qui etiam glori-  
 osissimè martyrium fecit, ac deinceps Higinus, post Pius,  
 post quem Anicetus. Cùm autem successisset Aniceto Soter,  
 nunc duodecimo loco Episcopatū ab Apostolis habet Eleu-  
 therius. Quibus Irenæi verbis, Romani Pontifices, Petri suc-  
 cessores perspicuè demonstrantur. Idem à Cypriano in hunc Cypr. epi. 3.  
 modum affirmatur: Post ista adhuc insuper pseudo episcopo lib. 1:  
 sibi ab hæreticis constituto nauigare audent, & ad Petri cathe-  
 dram atq; ecclesiam principalem (vnde vnitas sacerdotalis  
 exorta est) à Schismaticis & profanis literas ferre, nec cogi-  
 tare eos esse Romanos, quorum fides Apostolo prædican-  
 te laudata est: ad quos perfidia habere non possit accessum.  
 Et alibi: Factus est autem Cornelius Episcopus de Dei & Epi. 2 lib. 4  
 Christi eius iudicio, de clericorū penè omnium testimonio,  
 de plebis, quæ tunc affuit, suffragio, & de sacerdotum anti-  
 quorum & bonorum virorum collegio: cùm nemo ante te  
 factus esset: cùm Fabiani locus, id est cùm locus Petri, & gra-  
 dus cathedræ sacerdotalis, vacaret. Ambrosius item: Scribo Ambr. com.  
 (inquit) tibi, vt scias quomodo Ecclesiam ordines, quæ est in cap. 3 epi-  
 ad Timo:  
 Domus Dei, vt cùm totus mundus Dei sit, Ecclesia tamen  
 Domus

**Augustinus.** Domus eius dicatur, cuius hodie Rector est Damasus. Et Augustinus in lib. 11. contra litteras Petiliani Donatistae: Dicis quidem (ait) ista, nihil probas: sed etsi de aliquibus probares, de his ceteris non praescriberes. Verumtamen si omnes per totum orbem tales essent, quales vanissimè criminaris, cathedra tibi quid fecit Ecclesiae Romanae, in qua Petrus sedit, & in qua hodie Anastasius sedet?

Ex huiusmodi igitur amplissima potestate perspicuum etiam esse potest, immensi huius thesauri, in ecclesia reconditi, dispensationem, praecipuè pertinere ad Romanum Pontificem: qui, ut Christi Vicarius, totius Ecclesiae praest. Nam quae alicui communitati, vel Reipub. communia sunt, ille dispensandi facultatem habet, qui Reipub. communitatisque caput & Princeps est. Atqui cum ex hoc thesauro, summi Pontificis voluntate, aliquid depromitur, id nobis adiumento est, ut poenis temporalibus faciamus satis. quod perinde est, ac si iussu Principis pecunia, ex publico arario deprompta, homini aere alieno astricto suppeditaretur: quia ille iustum creditori suo debitum persolveret. Arbitratu autem Pontificis Maximi (quem pro Dei immortalis gloria, & Christiani populi necessitate, dispensationis rationem habere oportet) quicquid ex Ecclesiae thesauro donatur (Nam & ego, inquit Apostolus, quod donavi, si quid donavi, propter vos in persona Christi) interdum uniuersae poenae, interdum parti ipsius poenae luendae est satis: hinc plenaria, vel aliquot dierum, vel mensium, vel annorum Indulgentia ortum habet. Porro Indulgentiae nomen nonnulli etiam ex praecipuis & veteribus patribus pro remissione interdum usurparunt: quemadmodum Cyprianus in epistola ad Iubajanum ita scribit: Potens est Dominus misericordia sua indulgentiam dare. Et alio in loco: Potest ille indulgentiam dare, sententiam suam potest ille deflectere. Et Augustinus: Ne desperatione (inquit) homines peius

*Anastasiū sum  
aperuit pro  
soluendis deb*

2. Corin. 11.

Indulgentia

Cypri. de lapsis.

Augustinus  
in Psalm. 10.  
Iohan. 10.



petitis viuerent, promissit Deus indulgentiæ portum. Plenari-  
 am autem indulgentiam ( quod in ea donum contineatur cu- Indulgentia  
 mulatissimum, & iubilo plenum, quo scilicet omnibus pœ plenaria.  
 nis facere satis possumus ) recentiores quidam Ecclesiastici  
 scriptores Iubilæum vocarunt: quamquam Iubilæi vox ve- Iubilæus He.  
 riùs deducta esse videatur ab Hebræa Iobel, quæ arietem & Leuit. 25  
 cornu arietinum significat. Vnde annus quinquagesimus a-  
 pud Hebræos à buccina, & cornu illo, quo ānunciabatur, Iu-  
 bilæus dictus est.

Huius etiam exemplo apud nos Iubilæi annus celebratur, Iubilæi an-  
 qui cū quinto & vigesimo quoque anno, nunc recurrere so- nus apud  
 leat, iam incidit in annum 1575. quo, vt olim Hebræorum christianos.  
 prisco Iubilæo, quisq; ad corporalem suam, quam quouis mo-  
 do amiserat, siue possessionem, siue cognationem & liberta-  
 tem redibat, itā inter Christianos, quotquot Romam accesser-  
 runt, ac verè pœnitentes & confessi, quatuor ibi principes  
 Ecclesias deuotè aliquot dies vilitarunt, plenariam indulgen-  
 tiam sunt cōsequuti: id est, ad eandem illam spiritalem Baptis-  
 mi libertatem & innocentiam, omnis labis & pœnæ reatus  
 expertem, quam ob peccata iam amiserant, cūctis tempora-  
 libus pœnis ( quæ ex remissis culpis remanserant ) per ple-  
 nariam indulgentiā persolutis, redire cōmodiùs potuerūt.

Hunc spiritalem ac preciosissimum anni Sacrosancti Iubi-  
 læi thesaurum ( cuius participes tātūm fuerunt, qui quatuor  
 principes Romæ basilicas, eodem Iubilæi anno, aliquot dies  
 piè, ac religiosè inuiserunt ) sanctissimus in Christo Pater &  
 D. N. Dominus Gregorius diuina prouidentia P.P.  
 XIII. humillimis nostris precibus motus, pro sua paterna  
 erga hoc inclytum Poloniæ regnum charitate, vniuersis ipsi-  
 us regni incolis, concedere dignatus est. Nos itaq; salutare  
 huiusmodi donum cunctis impertitum iri cupientes, ipsius  
 sanctissimi D. N. Breue concessionis, hīc ad verbum cura-

uimus describendum: vt omnes modum intelligentes, quo ad hanc cœlestem gratiam consequendam apti (Deo iuuantē) reddi possint, suum quisq; diuinæ motionis principium agnoscentes, obliquis errorum ac vitiorum tramitibus derelictis, ad rectam veritatis & salutis viam reuertantur. Vt verò fideles populi, maiore studio ac deuotione ad hunc Indulgentiæ portum confugiant, & in posterum à nefarijs quibusdam sceleribus præcipuè abstineant, dedimus etiam operam vt Bulla in die cœnæ Domini Romæ quotannis legi solita, ad ipsum Iubilæi Breue vnà addatur: quo omnes sciât prauorum quorundam facinorum (quæ in ea numerantur) absolutio- nem, soli summo Pontifici reservatam, nunc per huiusmodi Indulgentiæ cōcessionem, cunctis Ecclesiasticis Parochis, pœnitentiarijs, ac reliquis Pœnitentiæ Sacramenti impertiendi facultatem habentibus, permissam esse.

Nos igitur Iacobus Archiepiscopus &c. pro nostro Primatis munere, cunctos quidem Reuerendiss. ac Reuerendos Dominos fratres nostros totius Poloniæ regni, ac Dominiorum, quæ ipsi regno adiuncta sunt, Archiepiscopos & Episcopos in Domino cohortamur: Venerabiles verò Abbates, Decanos, Parochos, cæterosq; verbi Dei concionatores monemus, & in virtute sanctæ obedientiæ eis mandamus, vt quisq; pro suo munere ipsū sacrosancti Iubilæi Breue, simulq; Bullam cœnæ Domini omnibus exponenda curent, vel ipsimet exponant, & denuncient crebris suis ad populos concionibus, in festorum dierum solemnibus. Tempus autem ad cœlestem gratiam consequendam, iuxta Breuis Apostolici præscriptum, definimus sex cuiq; menses, à prima harum literarum publicationis, in singulis quibusq; Ecclesijs factæ, die computandos.

Tenor



TENOR BREVIS SANCTIS  
SIMI D. N. IN HUNC MODUM  
sequitur.

GREGORIUS PAPA XIII.



VNIVERSIS CHRISTIFIDELI-  
bus, præsentes literas inspecturis, salutem  
& Apostolicam benedictionem Saluatoris  
nostri, qui suo preciosissimo sanguine huma-  
num genus de manibus Sathanæ eripere di-  
gnatus est, vices (licet immeriti) gerentes  
in terris, ac ligandi & soluendi potestatem ab eo habentes, co-  
gitatus nostros ad animarum salutem iugiter intendimus; &  
vota illa, quæ salutem ipsam affectare dignoscuntur, favori-  
bus prosequimur opportunis. Hinc est, quòd attendentes  
plerasque vtriusque sexus personas regni Poloniae, tum ob loco-  
rum distantiam, tum propter alias rationabiles causas, ad hæc  
almam Urbem nostram, pro consequenda Indulgentia Iubi-  
læi præsentis anni, non venisse, ac, ne propterea personæ ipsæ  
huiusmodi spiritualibus donis priuata remaneant, pro no-  
stro pastoralis officio providere volentes, precibus etiam pro  
parte Venerabilis fratris nostri Archiepiscopi Gnesnensis, di-  
cti regni Primatis, nobis super hoc humiliter porrectis, in-  
clinati, de omnipotentis Dei misericordia ac Beatorum Pe-  
tri & Pauli Apostolorum eius autoritate confisi, omnibus  
vtriusque sexus Christi fidelibus, verè pœnitentibus & confes-  
sis, in quibuslibet dicti regni partibus cõsistentibus, qui ma-  
iorem & tres alias Ecclesias ciuitatis, aut oppidi, seu loci, sub  
cuius districtu residet, per loci ordinariũ, sub quo Ecclesiæ ip-  
sæ fuerint, deputandas; vel, si in locis ipsis tot Ecclesiæ, nõ ad-

B ij

finē

sint, quatuor duarum, vel vnus ibi existentium Ecclesiarum  
 altaria, ad hoc etiam per eundem ordinarium deputanda, per  
 quindecim dies continuos vel interpolatos deuotè visitaue-  
 rint, & ibi quinquies orationem dominicam & salutationem  
 Angelicam recitauerint, ac pro exaltatione sanctæ Roma-  
 næ Ecclesiæ, & Christianorum omnium vnione & pace, ac hæ-  
 resum extirpatione piè ad Deum orauerint, plenariam dicti  
 anni Iubilæi omnium peccatorum suorum indulgentiam &  
 remissionem, ac si quatuor Ecclesias dictæ Urbis, & extra eā,  
 pro dictis Indulgentijs anni Iubilæi huiusmodi cōsequendis,  
 ad id deputatas personaliter visitassent, elargimur. Et vt ad id  
 aptiores reddātur, eis, quòd cōfessōres idoneos saculares, vel  
 cuiusuis ordinis regulares, ab ipso ordinario approbatos, sibi  
 eligere possint, qui eorū cōfessionibus diligenter auditis, eos  
 ab omnibus eorum criminibus & peccatis, etiam hæresim sa-  
 pientibus in foro conscientiæ duntaxat, & etiam sedis Apo-  
 stolicæ reseruatis, & in Bulla die cœnæ Domini, legi solita con-  
 tentis, absolvere, & pro cōmissis salutarem pœnitentiam iniū-  
 gere valeant, concedimus. Præsentibus, quarum transum-  
 ptis, manu Notarij publici subscriptis, & sigillo dicti Archie-  
 piscopi Gnesnensis munitis, indubiam fidem abhiberi volu-  
 mus, ad sex menses, à die publicationis illarum cōputandos,  
 duntaxat duraturis. Datum Romæ apud Sanctum Petrum,  
 sub anulò piscatoris, die x. Decembris, MDLXXV. Pon-  
 tificatus nostri Anno quarto.

## CAE: GLORIERVS:

**C**Aterum Pontifex Max. (vt superius dictum est) enor-  
 mium quorundam scelerum condonationem sibi soli  
 vindicare consuevit: vt partim pudore & castigationibus Ec-  
 clesiasticis, partim longæ peregrinationis labore ab huiusmodi  
 crimi-



criminibus, homines abducat atq; deterreat. Hæc autem, vt  
ferè omnia cōtinentur in ipsa Bulla cœnæ Domini, ita ad pau-  
ca quædam capita redigi possunt.

Siquidem, ad honorem Diuini nominis & animarum salu-  
tem, Summus Ecclesiæ Pastor id potissimum contendit, vt  
Dei verbum & scriptum & traditum, purum, putum, conser-  
uet, & tueatur, quod cū præstare minimè queat, nisi cū  
sua, tū reliquorum Pastorum, qui in partē sollicitudinis vo-  
cati sunt, defendat auctoritatem, cū Reip. Christianæ secu-  
ritati prospiciat: factum est, vt in Bulla diris omnibus quatuor  
or deuocantur hominum genera.

Vnum est Hæreticorum, qui verbum Dei modis omnibus  
adulterare inprimis conantur: ijs etiam annumerantur, qui il-  
lis fauent, aut illorum libros scienter legunt, retinent, impri-  
munt, seu defendunt, necnon & Schismatici.

contulit 10. 3. 11.  
S. 11.

Alterum eos comprehendit, qui ipsius Pontificis auctori-  
tatem lædunt: cuiusmodi sunt, qui ab eius sententia ad futu-  
rum concilium appellant, Apostolicas literas corrumpunt,  
cibaria, & commeatus ad Urbem impediunt, & in ea cōmo-  
rantes turbant, Romanæ curiæ officiales, hominesq; ad ipsā  
curiam accedentes, ab eaq; recedētes vlla molestia afficiunt:  
in Cardinales, Episcopos, Legatos, vel Nuncios manus vio-  
lentas iniiciunt, causasq; in curia pendentes, ad sæculare tribu-  
nal pertrahunt. &c.

contulit 10. 3. 11.  
S. 11. 12.  
7. 8. 9. 10. 11. 12.

Tertium est eorum, qui Catholica Ecclesiæ Præsulū iuris  
dictionem, quouis modo imminuunt: in quorum numero  
censentur ij, qui ad illos opprimendos leges figunt atq; resia-  
gunt, vectigalia ab hominibus Ecclesiasticis extorquent, fru-  
ctus redditusq; eorum violenter vsurpant, & eos ad tribunal  
sæculare compellunt. &c.

contulit 8. 13. 14. 15.  
16.

Quartum ad eos pertinet, qui arma vel quamuis pro con-  
struendis armis materia ad Machometanos, reliquosq; Chri-

contulit 3. 4. 6.

B ij

stiani



stiani nominis hostes deferunt, eisdemq; Christianorum con-  
silia produnt: quicq; noua vectigalia, sine legitima potestate,  
imponunt, & naufragium perpeslis sua bona & merces mini-  
me restituumt, atq; piraticam exercent. &c.

Quadruplex igitur cum sit eiusmodi conditio hominum,  
qui cum asseclis & adiutoribus suis anathematis gladio feriū-  
tur: quatuor quoq; capita (ut supra fuit expositum) summa-  
tim Bulla complectitur. In ea deinde pænis grauissimis cautū  
est, ne vlli confessarij vlllos, cuiuscunq; sortis homines, absol-  
uere audeāt, Indultis ad id & confessionalibus ex toto  
abolitis. Declarantur item ij, qui Bullæ huius tran-  
sumptum penes se habere, & semel in anno pu-  
blicare tenentur: Postremò quibus no-  
tis fides habenda sit trasumptis,  
explicatur,

TENOR BULLAE COENAE DOMINI  
est huiusmodi.




LITERÆ PRO  
CESSVS S. D. N. GREGO-  
RII PP. XIII. LECTAE DIE COENAE  
DOMINI, ANNI M. D. LXXV.

IN NOMINE SANCTAE, ET INDIVL-  
duæ Trinitatis, Patris, & Filij, & Spiritus  
Sancti. Amen.

NOVERINT Vniuersi hoc præsens publicū tran-  
sumptum inspecturi, quòd nos Alexander Riarius Pa-  
triarcha Alexandrinus, Curiae causarum Camerae A-  
posto. Auditor, Romanæq; Curiae Iudex ordinarius,  
Scientiarumq; & Censurarum latorum, ac quarumcū-  
q; literarum Apostolicarum vniuersalis executor ab  
eodem S. N. D. Papa deputatus, vidimus, & diligen-  
ter inspeximus literas Apostolicas S. N. D. Gregorij  
diuina prouidentia Papæ XIII. hodie, qui fuit dies Io-  
uis Sancti, et Cœnæ Domini, et solemniter more solito  
lectas & publicatas, eiusq; vera Bulla plumbea  
cū cordula rubei croceiq; colorū more Ro.  
Cu. pendente Bullatas, & omni suspi-  
cione carentes subsequētis  
tenoris.

Initium transumpti  
literarum.

GREGORIUS EPISCO-  
PVS SERVVS SERVORVM DEI  
AD FVTVRAM REI MEMORIAM.



CONSVEVERUNT Romani Pontifices prædecessores nostri, ad retinendam puritatem religionis christianæ & ipsius unitatem, quæ in coniunctione membrorum ad vnum caput, Christum videlicet, eiusque Vicarîum, principaliter consistit, & sanctam fidelium societatem ab offensione seruandam, arma iustitiæ per ministerium Apostolatus in præsentî celebritate exercere.

In Hæreticos, fautores eorum, ac recedentes ab Apostolice sedis obedientia,

I Nos igitur vetustum, & solemnem hunc morem sequentes, excommunicamus, & anathematizamus ex parte Dei omnipotentis, Patris & Filij, & Spiritus sancti, auctoritate quoque beatorum Apostolorum Petri & Pauli, ac nostra, quosunque Huslitas, Vicleuitas, Lutheranos, Zuinglianos, Caluinistas, Hugonotos, Anabaptistas, Antitrinitarios, & omnes & singulos alios Hæreticos, quocumque nomine nuncupentur, & cuiuscunque sectæ existant, & eorum credentes, ipsorumque receptatores, & fautores, & generaliter quoslibet defensores, ac eorundem libros sine auctoritate nostra & sedis Apostolicæ, scientes quomodolibet legentes, aut tenentes, imprimentes, seu quomodolibet defendentes ex quauis causa, publicè vel occultè, quouis ingenio, vel colore; necnon Schismaticos, & eos, qui se à nostra, & Rom. Pont. pro tempore existentis obedientia, pertinaciter subtrahere, seu quomodolibet recedere præsumunt,

Item



2 Item excommunicamus, & anathematizamus, In appellantes & omnes, et singulos cuiuscunque status, gradus seu conditionis fuerint, et interdiciamus vniuersitates, Collegia, & Capitula, quocunque nomine nuncupentur, ab ordinationibus, sententijs, seu mādatis nostris, ac Rō. Pont. pro tempore existentium, ad vniuersale futurum Concilium appellātes, nec non eos quorum auxilio consilio, vel fauore appellatum fuerit. Papa ad futurum Concilium.

3 Item excommunicamus, & anathematizamus ; In Piratas, et fautores eorū, et in rapientes bona nauis fragantium. omnes Piratas, Latrunculos maritimos, & illos præcipuē, qui mare nostrum à Monte argentario vsque ad Terracinam discurrere, & nauigantes in illo deprædari, mutilare, interficere, ac rebus & bonis suis spoliare præsumunt: ac omnes receptatores eorundem, & eis auxilium scienter dantes, vel fauorem: Ac omnes & singulos, qui Christianorum quorumcunque, nauibus tempestate in transuersū (vt dici solet) iactatis aut etiam submersis, & naufragium passis, siue in ipsis nauibus, siue ex eis dilapsa, & in mari, vel littore inuenta, cuiuscunque generis bona, tam in nostris Tyrrheni, & Adriatici, quā in quibuscunque alijs cuiuscunque maris regionibus, & littoribus rapuerint, aut scienter ipsi sibi acceperint, aut ab alijs rapta, seu accepta scienter receperint: ita vt nec etiam ob quodcunque priuilegium, consuetudinem, aut longissimi etiam immemorablem temporis possessionem, seu alium quemcunque prætextum excusari possint.

4 Item excommunicamus, & anathematizamus omnes, qui in terris suis noua pedagia, seu gabellas ad id potestatem non habentes imponunt, vel augent, aut imponi vel augeri prohibita, exigunt.

5 Item excommunicamus, & anathematizamus omnes falsarios literarum Apostolicarum, & in forma

4. In imponentes  
vel augeres noua  
pedagia, uel ea exi-  
gentes.

5. In falsificatores li-  
terarum, & suppli-  
cationum Aposto-  
licarum.

6. In defferētes pro-  
hibita infidelibus,  
eos que certiores fa-  
cientes de rebus cō-  
cernen: statum reip:  
christianæ.

7. In impediētes  
eos, qui victualia  
ad urbē deferunt.

ma Breuis, ac supplicationum gratiam, vel iusticiam  
concernentium, per Rom. Pont. vel S. R. E. Vicecan-  
cellarium, seu gerentes vices eorum, aut de mandato  
eiusdem Rom. Pont. signatarum, aut sub nomine eius-  
dem Rom. Pont. seu Vicecancellarij, aut gerentium  
vices prædictorum signantes supplicationes easdem:  
Extendentes constitutionem fel. re. Innocentijs Papæ  
iij. quæ incipit: Ad falsariorum, cum omnibus penis  
in ea contentis, ad falsificantes, seu mutantes suppli-  
cationes per nos, seu de mandato nostro signatas &  
datas, sine nostra, aut Datarij nostri licentia.

6. Item excommunicamus, & anathematizamus  
ōnes illos qui Equos, Arma, Ferrum, Filū ferri, Stannū,  
Chalybem, omniaque alia metallorum genera, atque  
bellica instrumenta, lignamina, canapem, funes tam  
ex ipso canape, quàm ex quacunque alia materia, & i-  
psam materiam aliāque huiusmodi, quibus Christianos  
impugnant, deferunt Saracenis, Turcis, & alijs Christi  
nominis inimicis: Necnō illos, qui per se vel alium seu  
alios de rebus Christianæ Reip: statum concernenti-  
bus, in Christianorum pernitiem, & dānum ipsos Tur-  
cas, & Christianæ religionis inimicos certiores faciūt,  
illisque auxilium, consilium, vel fauorem quomodolibet  
præstant: non obstantibus quibuscunque priuilegijs, et  
concessionibus, quibuscunque Principibus & Domi-  
nijs siue priuatis personis, per nos & sedem prædictam  
hactenus concessis, quæ illis nolumus in aliquo suffra-  
gari.

7. Item excommunicamus, & anathematizamus  
omnes impediētes, siue inuadentes eos, qui victualia,  
seu alia ad vsum Romanæ Curie necessaria adducunt:  
ac etiam eos, qui ne ad Romanam Curiam adducan-  
tur, vel deferantur, impediunt, seu perturbant, vel qui  
talia



alia fieri faciunt, vel defendunt, cuiuscunque fuerint ordinis, præeminentie, conditionis & status, etiam si Pontificali, vel Regali, aut alia quavis ecclesiastica, vel mundana præfulgeant dignitate.

8 Item excommunicamus, & anathematizamus mutilantes, vulnerantes, interficientes, capientes, detinentes seu depradantes Romipetas seu peregrinos ad Urbem causa deuotionis, seu peregrinationis accedentes, & in ea morantes, vel recedentes ab ipsa, & illis dantes auxilium, consilium, vel fauorem.

8 In eos qui peregrinos ad urbem venientes offedunt.

9 Item excommunicamus, & anathematizamus omnes illos, qui ad sedem Apostolicam venientes & recedentes ab eadem: necnon omnes illos, qui non habentes in eadem Curia iurisdictionem ordinariam vel delegatam, temeritate propria capiunt, spoliunt, detinent, morantes in eadem: aut ex proposito deliberato verberare, mutilare, vel interficere præsumunt, vel qui talia fieri mandant.

9 In eos qui venientes Romani vel ibi commorantes, offedunt.

10 Item excommunicamus, & anathematizamus omnes interficientes, mutilantes, vulnerantes, verberantes, percutientes, capientes, carcerantes, detinentes, vel hostiliter insequentes S. R. E. Cardinales ac Patriarchas, Archiepiscopos, Episcopos, sedisq; Apostolicæ Legatos, vel Nuncios, aut eosdem ejicientes à suis diocelibus, territorijs, terris, seu dominijs eaq; mandantes, vel rata habentes, seu præstantes eis auxilium, consilium, vel fauorem.

10 In eos qui manus iniiciunt in S. R. E. Card. vel prælatos seu nuncios.

11 Item excommunicamus, & anathematizamus omnes illos, qui per se vel alium seu alios, quascunque personas ecclesiasticas, vel seculares ad dictam Curiam super eorum causis & negotijs recurrentes, illasq; in eadem Curia prosequentes, aut procurantes, negotiorumq; gestores, Aduocatos, Procuratores ipsorum, seu

11 In eos qui causam in curia pendentium cursum, et litem iterarum Apostolicarum executionem impediunt, et personas easdem causas prosequentes, offendunt.

seu etiam Auditores, vel Iudices, super dictis causis, vel negotijs deputatos, occasione causarum, vel negotiorum huiusmodi verberant, mutilant, vel occidunt, seu bonis spoliant: vel qui per se, vel alium seu alios directè vel indirectè prædicta exequi vel procurare, aut in eisdem consiliū, auxilium, vel fauorem præstare non verentur, cuiuscunq; præeminentiæ & dignitatis fuerint: Ac illos qui litteras Apostolicas, & in forma Breuis tam gratiam, quàm iustitiam concernentes, ac etiam citationes, inhibitiones, sequestra, monitoria, processus exequutoriales, aliæq; decreta quæcunq; à nobis, & sede Apostolica, seu Legatis, Nuncijs, Præsidentibus, Camera Apostolicæ Auditoribus, & Commissarijs, alijsq; iudicibus, & delegatis Apostolicis emanata, & quæ pro tempore emanauerint, simpliciter, vel sine eorum beneplacito consensu, vel examine executioni demādari, aut ne Tabelliones, & Notarii sup huiusmodi literarum, & processuū executione instrumenta, vel acta conficere, aut confecta parti, cuius interest, tradere debeant, impediunt, vel prohibent, aut impediri vel prohiberi procurant: ac Notarios, Exequutores, & Subexequutores literarū, citationum, monitoriorum, & aliorum prædictorum capiunt, carcerāt, & detinent, vel capi, carcerari, & detineri faciunt: Quin etiam quibuscūque personis in genere vel in specie, ne pro quibusvis eorum negotijs prosequendis, seu gratijs vel literis impetrandis ad Romanam Curiam accedant, aut recursum habeant, seu gratias ipsas vel litteras à dicta sede impetrent, seu impetratis utantur, directè vel indirectè prohibere, statuere, seu mandare, vel eas apud se, aut Notarium, seu Tabellionem, vel aliās quomodolibet retinere præsumunt,

12 Item excommunicamus, & anathematizamus omnes

12 In officiales & prælatos, q spirituales causas à iudicibus Apostolicis auocant et executionem literarum & mādatorū Apostolorū impediunt.



omnes & singulos Cancellarios, Vicecancellarios, & Consiliarios ordinarios, & extraordinarios quorumque Regum, & principum, ac præsidentes Cancellariarum, consiliorum, & parlamentorum: necnon procuratores generales eorundem, vel aliorum principum sæcularium, etiam si Imperiali, Regali, Ducali, vel alia quacunque præfulgeant dignitate, quocunque nomine nuncupentur: aliosque Iudices tam ordinarios, quam delegatos: necnon Archiepiscopos, Episcopos, Abbatess, Commendatarios, Vicarios, & officiales, qui per se, vel alium, seu alios quaruncunque exemptionum, vel aliarum gratiarum, & literarum Apostolicarum prætextu beneficiales, & decimarum, ac alias spirituales, & spiritualibus annexas causas ab Auditoribus, & Commissarijs nostris, alijsque iudicibus ecclesiasticis aduocant, illarumque cursum, & audientiam, ac personas, capitula, contentus, collegia, causas ipsas prosequi volentes, auctoritate laicali impediunt, ac se de illarum cognitione tanquam iudices interponunt, ac partes actrices, quæ illas committi fecerunt, & faciunt, ad reuocandum, & reuocari faciendum citationes, vel inhibitiones, aut alias literas in eis decretas, & ad faciendum vel consentiendum eos, contra quos tales inhibitiones emanarunt, a censuris, & pœnis in illis contentis absoluti statuunt, & compellunt, vel alias exequutione literarum Apostolicarum, vel executorialium processuum ac decretorum prædictorum, etiam sub prætextu violentie prohibendæ, vel quod ad nos informandos, vt ipsi dicunt, supplicauerint, aut supplicari fecerint, nisi ipsi supplicationes, huiusmodi coram nobis, & sede Apostolica legitimè prosequantur, quomodolibet impediunt, vel suum ad id fauorem, consilium, aut assensum præstant.

12 In eos qui per personas Ecclesiasticas, ad eorum tribunal trahunt, & qui scaturita contra libertatem ecclesiae faciunt

13 Quia ex eorum praetento officio, vel ad instantiam quorumcunque personas Ecclesiasticas, Capitula, Conuentus, & Collegia ecclesiarum quarumcunque coram se ad eorum tribunal, audientiam, Cancellariam, consilium, vel parlamentum, praeter iuris canonici dispositionem trahunt, vel trahi faciunt, vel procurant directe vel indirecte, quouis qualito colore: Necnon quae statuta, ordinationes, constitutiones, pragmatice seu quauis alia decreta in genere, vel in specie, ex quauis causa, & quouis qualito colore, etiam sub praetextu litterarum Apostolicarum vsu non receptarum, seu reuocatarum, vel cuiusvis consuetudinis, aut privilegii, vel alias quomodolibet fecerint, ordinauerint, & publicauerint, vel factis, & ordinatis vsi fuerint, unde libertas ecclesiastica tollitur, seu in aliquo laeditur, vel deprimatur, aut alias quouis modo restringitur, seu nostris, & dictae sedis iuribus quomodolibet directe vel indirecte, tacite vel expresse prauiudicatur.

14 In impedientes iudicium ecclesiasticorum iurisdictionem,

14 Necnon qui Archiepiscopos, Episcopos, aliosque superiores, vel inferiores Praelatos, & omnes alios quoscunque Iudices Ecclesiasticos ordinarios quomodolibet impediunt: quo minus sua iurisdictione ecclesiastica contra quoscunque vtantur, secundum quod Canones & sacrae constitutiones ecclesiasticae, & decreta Conciliorum generalium, & praesertim Tridentini, statuant.

15 In eos qui iurisdictionem & fructus ecclesiasticos vsurpant, & decimas, aut tales quascunque personis Ecclesiasticis imponunt, aut exigunt, ac assensum auxilium, vel consilium praestant.

15 Quia iurisdictiones, seu fructus, redditus, & proventus, ad nos & sedem Apostolicam, & quascunque ecclesiasticas personas ratione ecclesiarum, monasteriorum, & aliorum beneficiorum ecclesiasticorum per eos obtentorum, pertinentes vsurpant, vel etiam quauis occasione, vel causa, sine Rom. Pont. expressa licentia sequestrant, aut collectas, decimas, tales, praestantias, & alia o



Ita onera clericis, praelatis, & alijs personis ecclesiasticis, ac eorum & Ecclesiarum, monasteriorum, & aliorum beneficiorum ecclesiasticorum bonis, illorumque fructibus, redditibus, & prouentibus huiusmodi ab alijs simili Rom. Pont. speciali, & expressa licentia imponunt, & diuersis etiam exquisitis modis exigunt, aut imposita etiam a sponte dantibus, & concedentibus recipiunt: necnon qui se, vel alium, seu alios directe, vel indirecte praedicta facere, exequi, vel procurare, aut in eisdem auxilium, consilium, vel fauorem, aut votum, seu suffragium palam, vel occulte praestare non verentur, cuiuscunque sint praeminentiae, dignitatis, ordinis, conditionis, aut status, etiam si Imperiali, aut Regali praefulgeant dignitate, seu Principes, Duces, Comites, Barones, Respublicae, & alij potentatus quicunque etiam Regnis, Prouincijs, Ciuitatibus, & terris quocumque modo praesidentes, aut quauis etiam Pontificali dignitate insigniti, innouantes decreta super his, per sacros canones tam in Lateranensem, nouissime celebrato, quam alijs concilijs generalibus edita, etiam cum censuris, & penis in eis contentis.

16 Item excommunicamus, & anathematizamus omnes, & quoscunque Magistratus, Senatores, Praesidentes, Auditores, & alios Iudices quocumque nomine vocentur, ac Cancellarios, Vicecancellarios, Notarios, scribas, ac exequutores, & subexequutores, & alios quocumque modo se interponentes in causis capitalibus seu criminalibus contra personas ecclesiasticas, illas banniendo, capiendo, processando, seu sententias contra illas proferendo, vel exequendo, etiam praetextu quorumcunque privilegiorum a sede Apostolica ex quibusuis causis, ac sub quibuscunque tenoribus, & formis in genere & specie concessorum quibuscunque Regi

16 In laicos se intromittentes in causis capitalibus seu criminalibus contra personas ecclesiasticas.

Regibus, Ducibus, Principibus, Rebus publicis, Monarchis, Ciuitatibus, & alijs quibuscunq; potētatibus, quocunq; nomine censeantur, quā nolumus illis in aliquo suffragari: illa omnia ex nunc in irritum reuocando.

17 In eos, qui terras, seu iura Eccle. Rom. occupant, vel inuadunt, & in raptores bonorum palatij Apostolici.

17 Item excommunicamus, & anathematizamus omnes illos, qui per se, vel alium, seu alios, directē uel indirectē, sub quocunq; titulo, vel colore de facto occupant, vel detinent, vel hostiliter destruunt, vel inuadunt, aut occupare, detinere, vel destruere, aut inuadere hostiliter præsument in totum vel in partem aliam Urbem, Regnum Siciliae, Insulas Sardiniae, & Corsicae, terras citra Pharum, patrimonium B. Petri in Tuscia, Ducatum Spoletanum, Comitatum Venasium, Sabinensem, Marchiam Anconitanam, Massam, Trebariam, Romandiolam, Campaniam, & maritimas prouincias, illarumq; terras, & loca, ac terra specialis commissionis Arnulphorum, Ciuitatesq; nostras Bononiam, Cesenam, Ariminum, Beneuentum, Perusium, Auinionem, Ciuitatem Castelli, Tudertum, & alias ciuitates, terras, & loca, vel iura ad ipsam Rom. Ecclesiam pertinentia, dictaq; Ro. Eccl. mediātē, uel immediātē subiecta: quīue supremam iurisdictionem in illis nobis & eidem Rom. Eccl. competentem de facto usurpare, perturbare, retinere, et vexare varijs modis præsument: Necnon adhaerentes, fautores, & defensores eorum, seu illis auxilium, consilium, vel fauorem quomodolibet praestantes: Necnon omnes, & singulos suppellectilium, librorum, scripturarum, & bonorum Camerae, & palatij Apostolici ex eodem palatio, infirmitatis Ro. Pont. ac sedis Apostolicae vacationis tempore, ablatores, raptores, & illorum detentores, ac quoscunq; alios, ad quorum manus bona praedicta quocunque titulo,



Si Sui generis materia in egra inueniatur: tunc ipsa cyria.



